



UNIVERSITÄTS-
BIBLIOTHEK
PADERBORN

**Historia Reverendissimorum ac Illustrissimorum
Dominorum Praepositorum, Decanorum & Scholasticorum
Cathedralis Ecclesiae Hillesheimensis**

Behrens, Konrad Barthold

Lemgoviae, 1705

Catalogus Reverendissimorum ac Illustrissimorum Dnn. Decanorum.

[urn:nbn:de:hbz:466:1-64282](https://nbn-resolving.org/urn:nbn:de:hbz:466:1-64282)

CATALOGUS

REVERENDISSIMORUM ac ILLUSTRISSIMORUM
DNN. DECANORUM.

TANGMARUS, *Cathedralis Capituli* primum Scholasticus ac Bibliothecarius, dein Decanus *S. Barwardo Episcopo* suo, cujus juventutem ipse formârat, ab intimis consiliis exstitit. Hunc enim, cum in jurisdictione Ecclesiastica super cœnobium *Gandersheimense* ab *Archi-Episcopo moguntino* lis eidem moveretur, & causam hanc ad Anno 1001. sedem Romanam deferret, eoque anno 1001. abiret, in itinere isto *Tangmarus* comitabatur. Præterea Anno 1002. in synodo *Francofurtensi* à *Wil- ligiso Archi-Episcopo* convocata, eandem causam egit, eoque anno se demum *Cathedralis Capituli Decanum* ipsum vocat. Cumque rerum dicti sui Episcopi probe gnarus esset, vitam quoque ipsius literis consignavit, quæ idiomate Saxonico anno millesimo quingentesimo & quadragesimo typis publice exscripta est. Latiarum idioma anno superioris seculi decimo sexto moguntiaë publicavit solertissimus Germanicarum antiquitatum scrutator *P. Christophorus Browerus* è societate collegii *Fuldensis*.

Anno 1017. **GODSCHALCUS**, mortuus anno 1017. 9. Kal. Octobris.

TADILO, sub *S. Berwardo Episcopo* primum vice Dominus, deinde vero *Cathedralis Ecclesiæ Scholasticus*, ac demum Decanus, vir Grandævus, vitæ venerabilis, ac in omni canonica regulæ observatione jure laudabilis, humilitate ac dile-

in

Autor vit.
*S. Godeh. ap.
Browerus
p. 40. 34.*

ctione præclarus in regendis vero ac commonendis fratribus, media charitate severus Anno 1028. in causa *Gandersheimensi*, quæ ab *Aribone Archiepiscopo Moguntino* iterum urgebatur, cujusque in gratiam hic synodum *Geislicæ* conscripserat, à *Godebardo Episcopo Tadilo* noster eo ablegatur, ubi quoque aliorum Episcoporum auxilio dictum Archiepiscopum à sententia sua iterum deduxit. Moritur anno 1037. 10. Kal. Febr. magno encomio à scripto coævo vitæ *Godebardinæ* ornatus, quod scilicet clero & populo teste nunquam ejus ordinis vir in omni Ecclesiastica probabilitate honestior visus fuerit.

Anno 1028.

Anno 1037.

BODO. *Ævo Dithmari Episcopi Reverendissimo* Capitulo præerat, cumque hic anno 1039. decimas quasdam *Ecclesiæ Gandersheimensi* restitueret, earumque quoad ipse viveret fructum permetteret, subsignatione quoque sua confirmavit.

Anno 1039.
Chron. Hilde-
sheim. ap.
Du Chêne
p. 526.

BENEKO, sub *Bernardo Episcopo* occurrit. Hic enim cum anno 1146. foundationem cœnobii *S. Godehardi Hildesi*, & anno 1147. foundationem *Canonicorum Regularium ad S. Bartholomæum* in sulca prope *Hildesum* tabulis publicis confirmaret, utriusque Decanus hic cum aliis nomen suum apposuit. Eidem Episcopo quoque anno 1151. Autor erat, ut novale juxta montem *S. Mauriti*, ad reparationem publicæ viæ quæ de monte ad civitatem ducit, legaret.

Anno 1146.
Anno 1147.

Anno 1151.

BRUNO, ex equestri familia de *Hottelsum* / hujus Diæceseos, anno 1152. in literis *Episcopi Bernhardi*, quibus cœnobio novello à *Liemaro*, *Henrici Ducis Ministeriali in Bockla* fundato, man-

Anno 1152.

G

fium

1153. *Strom.*
 fum unum, eodem in loco situm ac decimam quinque avearum in *Oberge* conferebat, inter testes, qui subsignatione nominis sui donationem hanc roborabant comparet, ac simul Præpositum S. Petri in *Goslaria* se vocat. Anno sequenti *Bernbardo Episcopo* suo in Præfulatu successit, ac insignis Ecclesiæ Palatiique Episcopalis collapsi restaurator exstitit, mortuus demum anno 1161. conditusque in medio templi ante altare S. *Ceciliae*.

1155. *101 onna*
 HEREMANNUS anno 1155. in tabulis cœnobii *Georgii montani* cum *Reinoldo Præposito*, & *Hermanno Præposito S. Crucis* occurrit.

1167. *101 onna*
 RICBERTUS memoratur. Eo enim *Hermannus Episcopus Hillesheimensis*, donationem matrona cujusdam, viduæ *Dithmari de Wiebefe* cœnobio S. *Godehardi* factam ratam habebat, quam literam quoque Decanus hic cum aliis testimonio

1169. *101 onna*
 suo confirmabat. Biennio post idem Episcopus dicto cœnobio mansum unum in *Ugerheim* donabat, ac simul alios mansos ab *Abbate* ejusdem secundo *Arnoldo* cœmptas confirmabat, eamque tabulam quoque *Ricbertus* hic cum aliis subsignavit.

1173. *101 onna*
 BERTHOLDUS, anno 1173. Decanus erat, quo *Adelhogus Episcopus cœnobii S. Godehardi* ejusdemque *Abbati Arnolde* decimam in *Nchtum* à *Sigfrido de Oldendorff* Ecclesiæ ministeriali ipsis collatam, nec non bona quædam in *Swechelste* confirmabat, idque etiam cum approbatione Decani hujus *Bertholdi*. Idem concambiam *Reverendissimi Cathedralis Capituli* cum *Amelungo Abbate & Conventu Riddagsbusano*, bonorum scilicet in villa *Offen*

1179.
 Meibomius
 Op. T. 3.
 p. 414.

Offenseff & Pertze pro bonis in *Soleege* subsignatione sua anno 1179. roboravit.

BERNO, ex Scholastico Decanus constitutus, vir erat valde prudens ac eruditus, magnaque suppellectile Bibliothecam cathedralem auxit ornavitque. Mentio ejusdem ut Decani occurrit anno 1181. in *Adelogi Episcopi* literis, quibus cœnobio *S. Godehardi* emptionem bonorum in *Allem/ Bodensene/ Wannensfide/ Harlessen/ Hastert/ & Welethe* confirmat, consensum suum apponit. Idem Episcopus biennio post immunitatem dicto cœnobio concedebat, quibus in tabulis se quoque *Berno Decanus* testem præbuit. Anno 1184. dictus Episcopus mansum unum, quem *Sigfridus de Glau debect/* ministerialis Ecclesiæ hactenus in feudo tenuerat ac resignaverat, *Ecclesie S. Nicolai in Winthem* donabat, idque etiam consensu Decani nostri. Anno sequenti *Didericus Abbas S. Godehardi Ecclesie in Swichelste* liberationem à matre ejus ab *Adelogo Episcopo* impetrabat, quod idem quoque *Berno* cum aliis ratum habuit. Anno 1188. Lantatus Episcopus cœnobio *S. Godehardi* non solum decimam in *Nigenhusen/* à *Bernhardo Episcopo* prædecessore in prima fundatione ei donatam confirmabat, sed & aliam decimam de novalibus quibusdam proveniente[m] addebat, tum aliorum tum *Decani Bernonis* consensu. Hic autem insuper Præposituram *S. Petri Goslarie* gessit, quæ cum valde direpta ac depauperata esset, ab eodem pristino nitore ac dignitati restituta est, procuratis insuper à *Bernone* eum in finem summi Pontificis literis, quibus sub pœna excommunicationis bonorum ejus-

Reutelius
Chron. p. 90.

Anno 1181.

Anno 1183.

Anno 1184.

Anno 1185.

Anno 1188.

modi alienatio quocunque etiam sub prætextu prohibebatur. Anno 1190. post mortem *Adelogi* Ecclesiæ suæ Episcopus constituebatur infulamque quidem quatuor tantum annis magno tamen cum diæceseos commodo gessit, annoque 1194. non vero 1196. ceu quibusdam visum obiit.

Anno 1194. HILARIUS, extremo *Bernonis Episcopi* anno occurrit. Eo enim *Johannes Gallicus Ecclesiæ S. Andreae Hillesheimii* Sacerdos, quatuor mansos in *Lisfringen* eidem Ecclesiæ donabat, idque in præsentia quoque hujus Decani, quam donationem anno sequenti *Conradus Episcopus* confirmabat. Idem *Johannes Gallicus* quatuor mansos in *Repenarde sitos* ac à *Comite Berberto de Bersflede* comparatos, Ecclesiæ cathedrali, cujus simul Canonicus erat, contulerat, cum vero dein anno 1200. *Canonicus in Ecclesia S. Andreae* idem instituisset, à Reverendissimo Capitulo obtinuit, ut ab obedientiano de eisdem mansis dictis Canonicis senitium aliquod præstaretur in solennitatibus, quibus ad majorem Ecclesiam aliæ convenire solebant, cui ordinationi quoque anno 1212. *Hilarius Decanus* consensum dedit.

Anno 1218. CONRADUS, anno 1218. *Ottoni IV. Imperatori Harzburgi* decumbenti ac testamentum suum consignanti cum *Sigfrido Episcopo* suo aderat, illique inter testes nomen suum apposuit. Idem Imperator morti proximus, prædium sive curtem *Zeverlingebug* vallum hodie, ubi ante annos quinque circiter cænobium instituere cæperat, propter bellicos vero tumultus non absolverat, *Canonicis S. Blasii Brunsvigæ* donabat, quod cum à *Sigfrido*

frido Episcopo Hillesheimensi, cujus jurisdictioni Ecclesiasticæ pars cis ocrana *urbis Brunsvicensis* eo tempore suberat, tabula publica confirmaretur, eandem quoque *Conradus Decanus* cum aliis in majorem fidem subscripsit. Anno 1227. *Conradus Episcopus Hillesheimensis cœnobii S. Godehardi* contractum cum *Canone de Welethe* super tres mansos in dicta villa sitos ratum habebat, easque literas Decanus noster juxta cum aliis cõsignabat.

GERWICUS anno 1239. *Conrado Episcopo* aderat cum cœnobio *Montis-Francorum Goslarie* medietatem decimæ *Nawenensis* donaret. Eodem anno testimonium quoque perhibet tribus fratribus de *Harboldessen* bona *Mechteshusana* renunciantibus. Anno 1249. tabulæ cuidam *Henrici Episcopi* consensum suum apposuit. Anno 1253. cum Reverendissimo Capitulo provisorii curiæ *Odelemensis* tres mansos excolendos dabat.

HEROLDUS anno 1255. ceu primo *Alexandri IV.* Pontificis anno, non vero anno 1261. ut quidam supputant (hoc enim ut mox patebit *Johannes Decanus* fuit) simul *Archi-Diaconus in Golcica* erat, cumque rectoratum Ecclesiæ ejus cuidam *Winando Mindensi* clerico conferret, contra *Lambertum* quendam, à *Jordano Canonico Hillesheimensi* eadem functione jam investitum his ad sedem Romanam delata, & *Conradus Abbas Riddagshusanus* ab *Alexandro Pontifice* judex constitutus est. An. 1258, nomine *Johannis Episcopi Hillesheimensis* super curiam quandam in *Hottelen* cum cœnobio *Loccumensi* transigit, ac eodem anno testem quoque se

Anno 1227.

Anno 1239.

Chron. Fran-
kenb. p. 14.

Anno 1255.

Meibomius
Op. T. 3.
p. 356.

Anno 1258.

præbet ratihabitionis *Johannis Episcopi* super venditione bonorum *Hottelemensium*.

Anno 1259.

JOHANNES anno 1259. cum aliis Episcopatus proceribus *Johanni Episcopo* sylvam *Westerholts* resignat in favorem debitorum quæ dictus Episcopus propter castra quædam ad Diœcesin coëmpta contraxerat.

Anno 1260.

Idem Episcopus decimam *Brundelensem* cœnobio *Riddagshusano* dabat, quod ut firmum ratumque esset, Decanus quoque hic subscriptione sua testabatur. Eodem quoque anno cœnobio *Loccumensi* bona quædam dictus Præsul conferebat, quam donationem quoque *Johannes*

Anno 1275.

Decanus juxta cum aliis confirmavit. Anno 1275. Comitibus *Woldenbergiis* omni juri suo ad decimam *Hottelemensem* in gratiam cœnobii *Loccumensis* cui eandem *Otto Episcopus Hildesimensis* ante novennium donârat, resignantibus testem se præbet.

Anno 1279.

LIPPOLDUS, anno 1279. *Ottoni Episcopo Hillesheimensi* consentit, cum is decimam *Mechteshusanam* pridie nativitatis *Johannis Baptistæ* cœnobio *Frankenbergio Goslariæ* conferret.

Anno 1281.

mentio ejusdem in tabulis cœnobii *Georgi Montani*, cum *Johanne Præposito*, *Hoyero*, *Scholastico*, *Volrado montis Præposito*, & *Johanne Cantore* occurrit.

Anno 1285.

ARNOLDUS anno 1285. cum iisdem Præpositis & Cantore, nec non *Bernardo Scholastico* tabulam dicti cœnobii subsignat.

Anno 1289.

Sigfridus Episcopus Hillesheimensis cœnobio *S. Godehardi* decimam *Oldenrodanam* conferebat, cui donationi

Anno 1294.

Arnoldus quoque consensit. An. 1294. dictus Episcopus *Henrico Comiti Woldenbergio* ob fidele sententium

tium, quodque se & sua pericuo exposuisset, duos mansos in *Södere* quos *Johannes & Ludolphus de Escherde* in feudo habuerant, danavit, quod cum Reverendissimi Capituli, aliorumque & suo sigillo quoque *Arnoldus Decanus* roboravit. Anno 1302. super collatione quadraginta jugerum in *Möllnem* cœnobio *Luccensi* facta adhuc testatur.

Anno 1302.

HINRICUS florentissima illo tempore *Woldenburgiorum Comitum* gente ortus, *Burchardique Comitis* filius, ut supra in tabula Genealogica asserui, quamvis hætenus scriptores ferè omnes eundem *Hinrici* cujusdam senioris filium, sed perperam faciant. Anno 1304. jam ea in dignitate constitutus erat, quo *Sigfridus Episcopus Hildesimensis* *Alexandro Præposito Frankenbergensi Goslarie* donum altaris Ecclesiæ *D. Petri* conferret, ac cœnobii privilegia *VI. Id. Martii* confirmaret, quas literas Decanus hic juxta cum aliis subsignavit. Anno 1309. Idem *Episcopus cœnobio Marienrodano* mansos quosdam in villa *Södere* inter *Tossum & Dikholzum* sita, quos à *Tiderico, Egberto & Sigfrido* famulis de novali emerant, transcribit, nec non *Canonicorum S. Mariæ Magdalena*, quos eodem tempore fundaret, cum *Abbate & conventu Marienrodano* concambium confirmabat, utroque in negotio *Hinricus Decanus* consensum dedit. Eodem anno *Reverendissimum Capitulum Hildebrando Abbati & Conventui S. Godehardi* duos mansos & unam aream in *Uppen* vendebant, ubi quoque nominis sui appositione contractum hunc roboravit. Anno sequenti in locum *Sigfridi Episcopi* demortui *Ecclesiæ Hillesheimensis Antistes* eligi-

Anno 1304.
Chron. Fran.
kenb. p. 53.

Anno 1309.

eligitur, præfuitque tantum octo annis, Princeps amans justitiæ, ac rebus Ecclesiæ suæ promovendis sedulus. Extremis vitæ annis à malevolis apud summum Pontificem delatus, Avenionem in Galliam, ubi tunc temporis sedes hujus erat, iter suscepit, sed in itinere febris correptus, & vix Avenionem veniens IV. Id. Julii ibidem obit.

HERMANNUS, Dynasta Warbergius ex Ducatu Brunsvicensi. Castrum ejus nominis, gentis quondam nobilissimæ avia sedes haut procul *Schöninga* est, & Camerarii hæreditarii officio in Ducatu dicto Dynastæ hi suo tempore fungebantur. Memoriam eorum posteritati commendarunt vicina cænobia, *Marienthalense* imprimis ac *Riddagsbusanum*, quibus benefecerunt. Possederunt quoque in hoc Episcopatu feuda quædam, quorum ratione *Burchardus Nobilis Dominus Warbergius* anno 1436. in ordine equestri primarius erat, ac nomine universæ *Nobilitatis Hildesheimensis* cum Episcopo fæderi *Hanseatico* subscribebat. Tandem cum per sexcentos annos flourissent, superiori demum seculo anno 48. in *Wolffgango Gebhardo, Anthonii junioris ex Agnesa Bortfeldia* filio, extincti sunt, postquam is ex uxore sua *Magdalena Wetbergia, Christophori Chiliarchæ* filia prolem nullam tulisset. *Hermannus* vero Decanus noster fratrem habebat *Ludolphum*, qui anno 1303. in favorem cænobii *Mariæ montani ante Helmstadium* bona quædam vendidit, quem contractum *Hermannus* hic tum adhuc *Canonicus*, una cum sororis suæ marito, *Annone Nobili*

Hagemejerus.

Tract. de Civit. Hanseat.

Meibomius
Ep. de Gent.
Heimb.

Nobili Domino Heimburgio confirmavit. In tabula ista majoris Ecclesie *Hildesheim* Canonicum se vocat, nec unquam, ceu quibusdam visum, Præpositus fuit. Eodem nomine adhuc anno 1308. & 1309. in Tabulis *Sigfridi Episcopi, cænobii Marienrodano* emptionem mansorum quorundam in villa *Södere* / nec non proprietatem villæ *Diekholzum* confirmantibus inter testes comparet. Anno 1310. *Henrico Comite Woldenbergio* Decano ad Episcopatum eo acto in dignitate isthac successit, annoque sequenti concordato cuidam *Henrici Episcopi*, cum Reverendissimo Capitulo consensum dedit. Anno 1313. Idem Episcopus villam *Tossum cænobio Marienrodano* vendebat, cumque ad hoc consensum Reverendissimi Capituli ejus esset, eundem Decanus noster subsignatione nominis sui quoque testatus est. Anno 1318. & 1321. iterum pacta quædam Reverendissimi Capituli nomine confirmat. Anno 1328. *Otto Episcopus* mansos quosdam agrorum in *Södere* sitos, & ad capellam *S. Eusebii Hildesii* pertinentes cum *Abbate & Conventu Marienrodano* permutabat, quod ut firmum permaret, *Hermannus* quoque sigillum suum apponebat.

ERICUS, Illustrissima quondam *Comitum Schaumburgiorum* ad visurgis ripam late dominantium, ac jam à me in *Antiquitatibus Genealogicis Westphalo Rhenanis* explicata gente, ante dimidium circiter seculum in *Othone Comite* extincta, ortus, circa extrema *Otonis Episcopi* tempora Decanatum gerebat, cumque anno 1331. non anno 1335. ut quibusdam visum, *Henricus*

H

Dux

Anno 1310.

Anno 1311.

Anno 1313.

Anno 1318.

Anno 1328.

Meibomius

Op. T. 1.

p. 515.

Anno 1331.

Dux Brunsvicensis plurimorum Capitularium suffragiis *Otonis* Successor destinaretur, *Ericus Decanus à Pontifice Jobanne XXII.* ad Præsulatum promoveretur, eique civitas *Hillesheimensis* adhæsit. Quæ quantaque mala exin non solum in Diæcesin, sed & civitatem ipsam redundârint, quæ *Erico* tutum contra *Henricum* hospitium præbebat, atque ea propter in partes scindebatur, recensere hujus loci non est; duravit autem dissidium hoc in 17. annum usque, quo cum *Henricus* ærumnarum ejusmodi pertæsus resignationem meditaretur, *Ericus* ex improvise in castro avito *Greven Ulvershagen* anno 1348. obit, in choro illic sepultus.

Anno 1341.

Anno 1342.

HERMANNUS anno 1341. in Tabula *Henrici Episcopi Decanum* se scribit. Anno sequenti idem Episcopus bona quædam in *Barvelte cænobio Marienrodano* donabat, quod Decanus quoque hic ratum habuit.

SIGFRIDUS, *Comes Reinsteinius*, ad sylvam *Hercyniam* erat. Familiæ hujus florentissimæ quondam, ante seculum vero extinctæ seriem Genealogicam variam dederunt *Henningesius*, *Reusnerus*, & novissimè *Dominus Lucas*, quæ tamen omnes actis Comitum illorum non respondent, ac tabulis aliisque documentis fide dignis contrariantur. Mihi sequens schema concinnatum est, quod unice tabularum contractuumque fide nititur:

Poppo

2. egit, eoque anno ratam habuit venditionem Anno 1352.

H 2

avea-

Poppo, Comes Blankenburgius
vixit annis 1148. 1157.

Conradus Comes Reinfteinius
1157. 1202.

Sigfridus Comes Blankenb. 1157.
1172.

Sigfridus Comes Blankenb.
1197. 1202. 1220. 1237. 1251.

Henricus Comes Reinfteinius
1197. 1205. 1219. 1220. 1221.

Hinricus 1241. 1249.
1251. 1253. 1261. 1267.
1274. 1292. 1305.
Ux. Engelburgis.

Sigfridus Canon.
Hildesheim. 1251.
1267. 1290. de-
mum Præpositus.

Hermannus
1251. 1271.
1287. 1292.
1297. demum
Episcopus
Halberstad.

Burchardus
1251. 1292.
1295. 1305.
Archi-Epi-
scopus Mag-
deburg.

Didericus
1220.
Canonicus
Halberst.

Ulricus
1220. 1242.
1246. 1249.
Ux. Mech-
thildis.

Sigfridus
1220.
1246.
1248.

Hinricus
† 1219.

Hinricus 1305.
1319. 1325.

Hinricus 1246.
1248. 1249. 1281.

Ulricus
1246. 1248.
1270. 1277.
Ux. Agnes

Otto
1246.

Albrecht
1246.
1270.
1278.

Sigfridus
1246.
1248.

Hinricus in Rein-
stein 1261. 1267.
1274. Ux. 2. Bia
Heimburgia.

Ulricus in
Poimburg
1267. Ux.
Luchardis.

Poppo
1332. 1367.

Friderich
1367.

Conradus
1294.

Ulricus
1294. 1328.

1. Hinricus 1296.
1297. 1303. 1311. 1312.
† 1318. Ux. Elifab.
C. Woldenberg.

2. Hermannus 1289.
1301. Canonicus
Halberstadiensis.

2. Ulricus 1289.
Dominicanus
in Halberstadi.

Hinricus
Canonic.
Halberst.
1281.

Ulricus Albertus
1281. 1300. 1281.
1301. 1312.
1314. 1317.
Ux. Sophia Anhalt.

Sigfridus Deca-
nus Hildesienfis
1344.

Hinricus 1333. 1344.
1352. † 1357. Ux. So-
phia Mansfeldia.

Ulricus
† ante
1344.

Otto Cano-
nicus Mag-
deb. 1317.

Albertus
1317. 1326.
1328. 1347.

Bernard.
1317. 1328.
1351.

Ulrich
1317.

Hinrich
1317.

Friderich
1317.

Poppo
1317.

Ulrich
1317.

Hinricus 1352.

Bernardus
1351. 1371.

Ulricus 1353.
1371. 1382. 1387.
1391. 1407. 1409
Ux. Catharina
Lippiaca.

Albertus occi-
fus ante 1352.

Buffo 1372. 1385.
1387. 1388.

Ulrich

Burchardus
1382.
1387.

Bernard.
† 1458.

Ulricus 1467. † 149.
Ux. Anna C. Hohnstern.

Ulricus
† 1488.

Ulricus † 1551.
Ux. 1. Barbara Com. Mansfeld.
2. Magdalena Com. Stollberg.

Bernhardus † 1524.

Jodocus † 1529.

1. Ernestus † 1581.
Uxor Babara Com.
mit. Hohnsternia.

2. Botho † 1594.
Ux. 1. Cathar. C. Schwartzb.
2. Anna Schönbergia.

2. Caspar. Ulricus † 575.
Ux. Catharina Agana
de Quibusch.

2. Elifabetha Abbatisa Quedlinburgensis
† 1584.

Ulricus Abbas Michaelsteinius
† 1578.

Ernestus Abbas Michad-
† steinius 1594.

Martinus † 1594.
Ux. Dorothe. C. Solmensf.
Joh. Ernestus † 1599. 4. Jul.

Adi. 1773 H. pag. 27

Handwritten text at the top of the page, possibly a title or header.

Handwritten text in the upper middle section of the page.

Handwritten text on the left side of the page.

Handwritten text on the right side of the page.

Handwritten text in the middle section of the page.

Handwritten text on the right side of the page.

Handwritten text in the lower middle section of the page.

Handwritten text on the right side of the page.

Handwritten text on the right side of the page.

Popp

Sigfridus autem Decanus, *Otonis Woldenbergii* Episcopi nostri, ex forore nepos, seu ut illo ævo loquebantur avunculus erat, jamque anno 1328. Cathedralis hujus Ecclesiæ Scholasticum agebat, & capellam *S. Eusebii* à dicto Episcopo in feudo habebat; Cumque mansos quosdam ad dictam capellam pertinentes *Abbas & Conventus Marienrodanus* permutarent, *Sigfridus* quoque hic suo illud sigillo eo anno roborabat. Decanum vero se anno 1344. vocat, quo *Henrico Comiti Reinsteinio* fratri suo castrum *Stanstede* vendenti consensum dabat. Biennio post pactis quibusdam *Hinrici Episcopi Hillesheimensis*, Reverendissimique Capituli nomen apponit.

Anno 1344.

Anno 1346.

DIDERICUS, anno 1348. Decanus erat, quo dictum Capitulum molendino *Campmöhle* prope *Himmelsdöhr* sito annum censum remittebat, quod idem quoque ratum habebat. Anno sequenti *Hinricus Episcopus Hinrico Equiti de Bülmersen* feudum castrense in *Marienburg* conferebat, cui quoque consensum suum attribuit. Idem dicto anno cum *Ottone Præposito Senatui Hannoverano* libertatem concedit, sacellum Divæ Mariæ Virginis extra mœnia *Hannoverana* condendi. Sequentibus duobus annis pactis quibusdam Reverendissimi Capituli adhuc subscribit.

Anno 1348.

Anno 1349.

WULLRADUS, Nobili *Drileviorum* gente ortus, quæ quondam per *Ducatum Magdeburgium Santerlebiam* ac *Schakkenslebiam* à *Schaumburgii Comitibus* in feudo obtinebat, quod post eorum extinctionem *Illustrissimæ Alvenslebiarum* familiæ collatum est. Decanum autem jam anno 1352. egit, eoque anno ratam habuit venditionem

Meibomius

Op. T. 1.

p. 522.

Anno 1352.

- Anno 1353. avearum quareudam in Neapoli à Diderico Præposito Gunzelino Bartenslebio factam. Anno 1353. Henricus Episcopus cum Abbate & Conventu Marienrodano bona Toffumensia permutabat, cui quoque consensum suum dedit. Anno 1354. ejusdem Episcopi conventioni cum Canonicis S. Andreae sigillum suum apposuit. Anno 1356. fratres equites de Saldere, Johannes & Conradus milites, & Bodo famulus, Capellam S. Severi Hildesii fundabant, quod cum dictus Episcopus confirmaret, idem quoque Wulradus Decanus fecit. Anno 1357. Idem Episcopus donationem Simonis ultimi Comitis in Dassel Conventui Amelunxbornensi ac Lipoldsbergensis, nec non fraternitati Calendario- rum in Usselde factam recognoscebat, cui etiam Decanus hic consensum suum apposuit. Eodem anno Nicolao Præposito majori areas quasdam in Neapoli vendebat.

Anno 1360. HENRICUS, anno 1360. in causa quadam Ecclesiastica Commissarium summi Pontificis agebat, ac Albertum Principem Anhaltium ab excommunicatione absolvebat, qua à Præposito Gufstroviensi impetitus fuerat.

GERHARDUS, ex familia Dynastarum Bergensium ad visurgim, qui nobiles Advocati Ecclesie Mindensis erant, & à me suo loco explicati sunt. Cathedralis hujus Ecclesie primum Cantor, ac dein circa tempora Johannis Episcopi Decanus. Anno 1364. Cum vero hic anno 1364. tædio publicarum rerum sat turbulentam Augustam Vindelicorum ad Episcopatum summi Pontificis autoritate illic capeffendum, & quietiorem vitam degendam abiret, eidem in Præsulatu Hillesheimensi suffectus est, nec

nec tamen *Verdensem Episcopatum* statim resignavit. In duabus enim tabulis altera *Luneburgi*, feria sexta ante Dominicam Palmarum, altera in castro *Rodenburg* in vigilia *S. Johannis Baptiste* data adhuc *Verdensem Episcopum* se scribit. Triginta autem quatuor annis huic Diœcesi magna cum laude & patriæ commodo præfuit, Princeps magnanimus, bellicosus, eruditus, ac devotus, qui extremis vitæ suæ annis *Carthusiæ cœnobium* ante portam *Dammonis* extra urbem fundavit, in qua dein sepultus. Imaginem ejus cœnobitæ hujus loci adhuc servant.

EVERHARDUS, anno 1371. Decanus erat cum *Gerhardus Episcopus*, de quo modo egi litem inter conventum cœnobii *Frankenbergensis* & *Johannem Trobonem* militem alios super jure patronatus *Sacelli Ordageshusani* cognosceret, ejusque decisionem huic Decano committeret, qui etiam 9. Kal. Julii pro cœnobio sententiam pronunciabat.

LUDOLPHUS anno 1381. *Nicolao Præposito* in contractu quodam locationis consensum dedit.

JOHANNES, anno 1391. similem contractum subsignat.

WILHELMUS de *Bölsmerfen* / equestri hujus Diœceseos familia, anno 1406. *Johanni Episcopo* nomine Reverendissimi Capituli consensum dat. Anno 1411. donationi cuidam *Lippoldi à Steinberg* Cathedralis Ecclesiæ Canonici ac cellerarii subscribit.

JOHANNES, Nobili *Soltaviorum in Ducatu Luneburgio* gente ortus, ac *Conradi Episcopi Verdensis*, qui paucis annis ante obierant, Agnatus, anno 1422. in tabula cœnobii *Georgi Montani* se sub-

Schlopke-
nius.*Chron. Bar.
de W. p. 282.*

Anno 1371.

Anno 1381.

Anno 1391.

Anno 1406.

Anno 1411.

Anno 1422.

- Anno 1423. scribit. Anno 1423. oppignorationem quandam *Johannis Episcopi Bartholdo de Boet & Friderico de Rheden* factam ratam habet. An. 1426. *Ecchardo Praposito* civitati novæ piscinam quandam concedenti nomine Reverendissimi Capituli consentit.
- Anno 1429. An. 1428. & 1429. pro magno Episcopo suo, pignora quædam statuenti, fidem interponit. An. 1430. Idem magnus Episcopus inspectionem domus leproforum ad *S. Nicolaum* tribui *Lanionum* ad *S. Martinum Hildesiæ* committit, cui *Johannes* hic Anno 1433. Decanus consentit. Anno 1433. contractum quendam magni Episcopi subsignat, quod & subsequenteribus annis pluries facit.
- JOHANNES de familia *Swanensflugeliorum*, Anno 1444. *Ducatus Gottingensis* vasallorum anno 1444. & 1446. consensum dabat, cum domum leproforum prope & extra muros novæ civitatis *Hillesheimensis* ab omni censu liberaret, pauperibusque inhabitandam assignaret, ac iterum cum dicta domo Anno 1446. agros quosdam permutaret. Anno 1450. *Helmoldus Abbas & Conventus S. Godehardi* quinque jugera agrorum *Ecchardo Praposito* vendebat, quem Anno 1459. contractum quoque ratum habuit. Anno 1459. *Ernesto Schaumburgio Episcopo*, quædam in commodum Diæceseos oppignoranti consensum dabat. Anno 1463. *Ecchardi Prapositi* constitutionem novam in *Hospitali Neapolitano* sancitam ipse Anno 1463. quoque subsignat. Anno 1465. contractum quendam *Ernesti Episcopi* cum *Henrico Abbate S. Michaëlis Hildesi* ratum habuit. Obiit anno 1466.
- HENNINGUS ex equestri de Domo, seu *Hausiorum* hujus Diæceseos familia, an. 1466. pecuniæ quandam summam mutuo sumente fidem cum aliis

aliis interponit; Anno sequenti contractum quendam ejusdem Episcopi roborat. Anno 1471. à majori Capituli parte post obitum *Ernesti Episcopi* ejusdem successor eligitur, & quamvis sub initium magnas adversitates experiretur, favore tamen summi Pontificis, ac armis confœderatorum suorum tandem dignitatem plenariè & quiete obtinuit, uti pluribus in præcedenti Catalogo retuli. Præfuit autem Episcopatu tantum decem annis, annoque 1481. consensu Sixti Pontificis Episcopatum *Bartholdo Landsbergio, Episcopo Verdensi* resignavit, Princeps mitissimi ingenii, ac æquitatis supra modum amans.

Anno 1467.

Anno 1471.

ALBERTUS, anno 1479. in tabula quadam Reverendissimi Capituli memoratur.

Anno 1479.

JOHANNES anno 1482. cum aliis civitatem *Hilshheimensem* cum *Bartholdo Episcopo* reconciliare studet, alteroque anno obit.

Anno 1482.

DIDERICUS, anno 1487. conventionem quandam Capituli Cathedralis cum dicta civitate subsignat. An. 1489. *Episcopus Lubecensis* eligitur.

Anno 1487.

HEINO, *equestri Werderorum in Bisperode* gente ante dimidium fere seculum extincta ortus an. 1519. Decanus erat, quo *Johannes Episcopus civitati Hildesimensi* cerevisiam per Episcopatum vendendam indulgit, quam tabulam *Heino* quoque Decanus subsignavit. Anno 1521. status provinciales in commodum Diæceseos certam pecuniæ summam mutuo sumebant, quo in negotio idem fidem suam interponit. Anno sequenti cum *Hermanno S. Michaelis & Henningo S. Godehardi, Abbatibus, Johannis Episcopi* nomine militiæ ratione restantis stipendii stipulatur. An. 1526. Reverendissimum

Anno 1519.

Anno 1521.

Anno 1522.

Anno 1526.

Ca-

Capitulum *Johanni Equiti Steinbergio*, de domo *Munstedt* / quod plurima damna in favorem Diæceſeos perpeſſus fuiſſet, ſeque ipſum ejusdem gratia periculis expoſuiſſet, aliquot millia imperialium aſſignabat, quod ut firmum eſſet, *Heino* quoque Decanus ſubſcriptione ſua teſtabatur. Præpoſitus ſimul erat Eccleſiæ collegiatæ *S. Cyriaci Brunſvigæ*

Anno 1535. mortuus anno 1535.

LUDOLPHUS ex florentiſſima in vicinis Ducatibus *Veltbemiorum* equitum familia anno 1540. Decanum egit, quo *Conſul Hilleſheimenſis Johannes Wildefeuer* aream quandam in *Neapoli* cum conſenſu Præpoſiti emebat, quem contractum *Ludolphus* quoque Decanus nominis ſui ſubſcriptione

Anno 1553. roboravit. Obiit anno 1553. cum maximo totius patriæ dolore ac luctu.

BURCHARDUS ab *Oberg* / familiâ equeſtri hujus Diæceſeos, per plura ſecula in hodiernum uſque diem togâ ſagâque inclytâ, Decanus primum collegiatæ Eccleſiæ *S. Andreae*, dein Reverendiſſimi Cathedralis Capituli fuit, annoque 1556. poſt mortem *Friderici Holſatiæ Ducis*, Episcopatus hujus Adminiſtratoris Episcopus ejusdem Electus eſt, *Henrico juniore, Duce Brunſvicenſi*, cui maxime familiaris erat, ſingulari commendatione apud Reverendiſſimum Capitulum electionem ejusdem promovente. In capitulatione dicto Capitulo profecturam *Steinbruccenſem* attribuit. Præfuit annis 17. mortuus anno 1573. ſepultusque in templo Cathedrali.

Anno 1566. WILKINUS, ex *Generoſa Freytagiorum* in *Westphaliæ Ducatu* gente, anno 1566. Decanatum gerebat, quo *Burchardus Episcopus* cum *Henrico*
&

& *Wilhelmo Ducibus Brunsvigo Luneburgiis* ratione pignoris cujusdam transigebat, quod Reverendissimi Capituli sui nomine ratum habuit. Biennio post idem *Episcopus Adenstedensi Ecclesia* Anno 1568. bona quædam rursus oppignorabat, cui quoque Decanus hic consensum dabat. Anno 1574. *Ernestus Bavarus Episcopus Hillesheimensis*, qui præcedente anno *Burchardo Obergio* successerat, cum *civitate Hillesheimensi* ratione *Peynensis* pecuniæ adhuc restantis transigit, cui negotio ex parte Reverendissimi Capituli *Wilkinus* nomen dedit. Cumque diæcesis dicto anno *Ernesto Episcopo* subsidium charitativum confirmationis solvere non posset, *Wilkinus* noster Reverendissimum Capitulum disposuit, ut pecuniam hanc in favorem patriæ prænumeraret. An. 1577. ex speciali, qua Anno 1577. idem Episcopus civitatem *Hildesensem* complectebatur gratia, collectis quoque ejusdem Imperialibus ac circularibus moderatis annuebat, quod negotium etiam Decanus hic promovit. Mortuus demum anno 1586. Anno 1586.

JOHANNES per Illustri *Baronum Kappelliorum* domo prognatus anno 1591. ratione legati *Steinbofiani* cum Reverendissimo Capitulo colliditur, lite tamen ad curiam Romanam delata anno 1604. absolvitur, annoque sequente obit. Anno 1591. Anno 1604.

HEIDENRICUS, ex equestri *Lethmatiorum* gente anno 1612. & 1614. Decanus erat, quibus Anno 1612. *Henricus Meibomius* & *Christopherus Browerus*, 1614. ille Historiam Irmensulæ Saxonicæ hic vitam SS. *Barwardi* ac *Godehardi Episcoporum* quondam
I Hil-

Hildesienſium typis publicis edebant ac huic quoque totius Capitulo inſcribebant.

Anno 1629. WALTHERUS, ejusdem cum Antecellore ſuo familiae anno 1629. Decanum agebat, ac profecturis per ſententiam *Camerae Spireniſis* Diaceſi reſtitutis, iterum recipiendis ex parte Reverendiſſimi

Anno 1634. Capituli quoque invigilabat, quinquennio poſt mortuus, ab ejusque morte, cum urbs ac *Cathedralis Eccleſia* praefidio *Luneburgico* ad annos novem detineret, neque Decanus neque Capitulum fuit.

Anno 1643. JOHANNES, *Baro Weſterholzius*, anno 1643. quo regimen totius Diaceſeos *Ferdinando Electori Coloniendi*, & *Epilcopo Hildeſienſi* reſtitutum, ac praefidium quoque dictum ex urbe deductum, die 18. Novembr. Cathedralis Eccleſiae Decanus electus eſt, praefuitque ad annum uſque 1647. quo

Anno 1647. obiit.

Anno 1662. FRIDERICUS ex *Equeſtri Oynbuſiorum* gente in *Epilcopatu Paderbornenſi* florentiſſima Decanatum ad annum uſque 1662. geſſit, quo eundem reſignavit.

MATTHIAS ex per *Illuſtri Korffiorum*, conditorum *Smiling* familia, de domo *Zattenhauſen Comitatus Ravensbergenſis*, *Canonicus* ſimul ac *Theſaurarius Monafterienſis* erat, vir tractandarum rerum politicarum probe gnarus, ac *Chriſtophori Bernhardi*, *Epilcopi Monafterienſis Conſiliarius* & ad *Regem Galliae* anno 1660. Principis ſui in pace cum *Batavis Cliviae* ſancita primarius miniſter. *Theodori autem Smilingii*, celebris iſtius apud *Lovanienses Theologi*, vitaeque ſanctimonia clari,

clari, ex fratre *Henrico* nepos erat, fratremque habebat *Ottonem Henricum Praepositum Cathedralis Monasteriensem*, quem magnum literarum ac literatorum fautorem vocat *Alpenius*. Ad *Cathedralem Hildesensem* anno 1642. ex beneficio *Serenissimi Ferdinandi, Electoris Coloniensis & Episcopi Hildesensis* accesserat, demortuo Domino de *Rintorff* seniori substitutus, mox Cantor, ac demum post resignationem Domini Antecessoris Decanus, quam dignitatem per duodecim annos magno cum applausu gessit, annoque demum 1673. etiam resignavit. Canonicatum vero ejus Ecclesiae anno sequenti sui ex fratre *Casparo Nepoti*, Reverendissimo ac Illustrissimo Domino *Diderico Ottoni*, nunc simul *Cathedralis Ecclesiae Monasteriensis vice Domino*, Eminentissimi Episcopi Consiliario intimo, & Judici Aulico transtulit. Obiit anno 1684. 27. Mart. *Monasterii*, ubi insuper *Dynasta Schönolietbi* erat.

JODOCUS EDMUNDUS, ex antiqua *Baronum Brabekiorum* de domo *Hemern* in *Marcano Comitatu*, gente, cum primam juventutem literarum studiis in *Gallia & Italia* excoluisset, Canonicum primo *Cathedralis Ecclesiae Monasteriensis* ac *Thesaurarium* egit, simulque *Christophero Bernhardo Episcopo* ac *Principi* ibidem ab intimis status consiliis, ac in legationibus arduis orator exstitit, cujus quoque nomine anno 1654. cum is in *Comitiis Ratisbonensibus* integrum annum subsisteret Episcopatum gubernavit, eoque annitente anno 1655. 5. April. Decanus Cathedralis Ecclesiae in locum literatissimi viri, *Bernhardi à Malifrot* sub-

Vit. Episcop.
Christopher.
Bernh. tom. 1.
p. 60.

Anno 1673.

rogatus est. Demum fortunæ omnia summa ipsi promittentis inconstantiam expertus anno 1667. cum Principe suo, ratione quorundam de Coadjutoris electione ex parte Capituli ipsi obmoverunt, colliditur, relictoque *Monasterio Coloniae* ubiorum abit, ibique à Serenissimo *Maximiliano Henrico Electore Coloniense & Principe Hildesienſe* anno 1668. Canonicus Capitularis *Hillesheimensis* Ecclesiæ constituitur, collata simul pro Principis in Diæcesi ista dignitate. Quamvis autem Reverendissimus *Jodocus Edmundus* causam suam cum effectu urgere potuisset, postquam à *Clemente IX.* summo Pontifice executoriales obtinuisset, maluit tamen pro temperamento suo placida compositione litem dirimi, contentus se in Romano judicio triumphasse. Exin *Hildesii* sedem formavit, quoque animus curis publicis distentus interdum laxaretur, in præfectura *Steurwaldensi* prope pagum *Giffen* stabilem anatum sylvestrium capturam, paratis eum in finem aquæ ductibus rectilineis ac spatioso lacu, adornat, quæ inter speciosa Diæceseos monumenta, achodie penes Illustrissimos ex fratre Nepotes est. Anno 1674. post resignationem *Decani Matthiæ* anno præcedente factam à Reverendissimo Capitulo eidem suffectus est, quam functionem cum pro Principis dignitate magna cum prudentiæ politicæ laude per quatuordecim annos gessit, Serenissimo Electori suo ac vicinis undiquaque charus. Anno 1684. cum Reverendissimo Capitulo Bibliothecam publicam, cui *Martinus Beverinus*, *Pastor Vörsetensis* oblatione centum ac septuaginta librorum ante undecim annos

nos

nos occasionem dederat, instituit, locumque ei pro majori commoditate, ac præfectum constituit, *Petrum Hekkenbergium*, *Canonicum S. Johannis*, ac *Mathefi* imprimis & subtiliori omnis generis eruditione insignem. Anno 1688. die 7. Julii post mortem Serenissimi *Maximiliani Henrici à Reverendissimo Capitulo Episcopus Hillesheimensis* eligitur, ad fastigium ejusmodi à primis annis fatis quasi destinatus ac formatus. Difficillima tum à morte Laudatissimi Principis imminebant & secuta quoque sunt tempora, ut Decanus *Brabekius* justam de electione acceptanda deliberandi causam haberet, eaque propter ad castrum avitum *Hemeranum* secederet, ac forte dubius mansisset, nisi Capitulum institisset, ac insuper Innocentius XI. Pontifex favorem suum abunde testatus fuisset, cum eodem anno 3. Kal. Dec. electionem hanc tanquam canonicè factam ac sibi per gratam confirmaret, & eundem, ceu virum gravem, prudentem, omniaque ad Episcopum requisita habentem, ne ulterius in acceptanda Infula ancipitem se gereret, ultro quasi moneret, simulque indulgeret, ut & *Canonicatum in Cathedrali Monasteriensi Ecclesia* pro arbitrio suo retineret, & quos idem tam ad Decanatum, quam ad *Canonicatum Hillesheimensis* summo Pontifici commendaret, & illi reliquis competitoribus præferrentur. Qua tranquillitate Episcopatum in decimum quartum annum usque gubernavit, quaque etiam vigilantia res Diæceseos circa extrema vitæ tempora, ceu futura quæque prospiciens, in commodum Ecclesiæ disposuerit, catalogus hic non patitur, prædicabunt

autem posteri. Ipse annorum ac gloriae fatur, Principumque Imperii Germanici omnium senior, anno 1702. 13. Augusti præter opinionem *Hildesii* extinguitur, corpusque in Cathedralis Ecclesiae sacello *S. Barbaræ* ab ejusdem ex fratre Nepote, Reverendissimo ac Illustrissimo Domino *Jodoco Edmundo Brabekio*, Cathedralium hujus & *Monasteriensis Ecclesiarum Canonico Capitulari* ac respectivo Scholastico, terræ mandatam, dictum vero sacellum genuina Principis effigie ornatum est.

MAXIMILIANUS HENRICUS JOSEPHUS ex Illustrissima *Liberorum Baronum de Weichs* ab *Ernestore Electore à Bavaria in Coloniensem Archi-Diœcesin* translatorum gente, & quidem de Domo *Rosberg & Weyer* / quæ jam ante tria secula *Degenhardum Episcopum Ecclesie Frisingensi* dedit. Inter maternos autem avos *Ernestum* quoque *Ducem Brunsvigo Lunenburgium in Zell* à quo tota moderna Augusta ac Potentissima *Domus* descendit, numerat. Hujus enim filia *Elisabetha Ursula*, *Ottoni Comiti Schaumburgio*, Episcopatus hujus primum Administratori, precedenti Catalogo memorato, nupta, proavia ejus est. Mater, postremi Domini *de Morien in Nordwisch* / *Johannis Bernhardi* soror ac hæres extitit. Primam juventutem in aula Serenissimi *Electoris Coloniensis Maximiliani Henrici*, apud quem parens ejus *Ferdinandus* supremus venationum præfectus erat, transegit, literarum vero studia Romæ præcipuè in seminario Germanico excoluit. *Canonicatum Hildesiensem* indulgentia dicti

dicti Principis sui obtinuit, mox post *Hermannum Wernerum Metternichium* Scholasticus factus anno 1688. sede vacante Vicariis Generalis, *Curie* Anno 1688.

Episcopalis Ecclesiasticæ officialis constitutus est. Eodem cum *Decanus Brabekius* in Episcopum eligeretur, dignitas quoque hæc à summo Pontifice eidem collata est, cum quatenus officialatus functionem retinuit, Scholasticatum vero resignavit.

An. 1694. à Serenissimo *Josepho Clemente Electore* Anno 1694.

Coloniense, tum volente *Jodoco Edmundo Episcopo in Coadjutorem Hildesheimensem à Reverendissimo Capitulo electo, Archi-Diaconalis & Infulatæ Præposituræ Bonnenfis Coadjutor* nominatur. Eodem anno erga Patres Societatis *Hildesii*, Gymnasium suum *Mariano Josephinum* è fundamento struentes, aliquot millium Imperialium collatione, raram nostro ævo munificentiam, testatur. Anno

1703. cum Reverendissimo Capitulo Bibliothecam Anno 1703.

Illustrissimi Domini, *Johannis Sigismundi Liberi Baronis Reuschenbergii*, Canonici hujus Ecclesiæ Cathedralis, Herois sine exemplo literatissimi, eoque anno præpropere fato extincti, libris omnis generis diuturniori per Europam peregrinatione ab eodem coemptis, numerosissimam pariter ac maxime splendidam, conditionibus in testamento *Reuschenbergiano* sancitis, cathedrali Bibliothecæ inferit, cum effigie ejusdem ad vivum eleganter expressa. Eodem quoque anno rarissimo felicitatis exemplo duos ex Illustrissimo fratre suo Domino *Theodoro Adolpho Libero Barone de Weichs* / supremo venationum in *Archi-Diacesi Coloniensi* Præfecto, nepotes, Dominum
Maxi-

230 omnia
 Anno 1704. *Maximilianum Henricum Josephum, & Dominum Johannem Bernhardum Josephum* uno actu Reverendissimo Cathedrali Capitulo adscribit, quorum alteri in curia Romana, alteri ab Ipsomet uno eodemque tempore canonicatus obtigerant. Anno 1704. à Summo Pontifice *Episcopus Rhodiopolitanus* ac per civitatem & *Diæcesin Hildesensem* Suffraganeus, inque spiritualibus ac temporalibus Commissarius Apostolicus specialiter deputatus constituitur, Infulamque die 22. Junii in templo *cœnobii Godehardini* à Reverendissimis Domino Suffraganeo *Monasteriensi Quentelio*; Domino *Jacobo Abbate S. Michaelis Hildesii*, & Domino *Mauro Abbate Lamspringensi* accipit. Anno 1705. die 7. Julii Gloriosissimo *Imperatori Leopoldo* funebria in *Basilica Cathedrali*, castro ut vocant, doloris, lugubrique apparatu adornatâ, assistentibus quatuor Abbatibus Infulatis, coram Illustrissimo Capitulo, ac Equestris ordinis deputatis, solenni ritu, maximoque populi confluxu, & campanis totius civitatis pulsantibus persolvit. Ipse vero cum Reverendissimo Capitulo jam in tertium annum post mortem *Jodoci Edmundi Episcopi*, ex mandato Cæsareo Diæcesin, difficilimis ubique rebus, cum magna justitiæ, moderationis ac integritatis fama administrat, cui ut vitam longam cum omni prosperitate Divinum Numen largiatur, omnium bonorum votum est.

CATA-